

ÁKVÖRÐUN RÁÐSINS

frá 20. desember 1993

um breytingu á ákvörðun ráðsins 89/286/EBE um framkvæmd meginhluta lykiláætlunar um nýjungar og miðlun tækni (1989 – 1993) (Sprintáætlunin)

(94/5/EB)

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins, einkum 130. gr.,

með hliðsjón af tillögu framkvæmdastjórnarinnar ⁽¹⁾,með hliðsjón af álitum Evrópuþingsins ⁽²⁾,með hliðsjón af álitum efnahags- og félagsmálanefndarinnar ⁽³⁾,

og að teknu tilliti til eftirfarandi:

Hagstæð skilyrði fyrir upplýsingar og miðlun tækni á öllum svæðum og í öllum greinum atvinnulífsins eru ein af forsendunum fyrir því að hægt sé að auka samkeppnishæfni iðnaðar og styrkja vísinda- og tæknigrundvöll í bandalaginu.

Þann 17. apríl 1989 samþykkti ráðið ákvörðun 89/286/EBE um framkvæmd meginhluta lykiláætlunar um nýjungar og miðlun tækni (1989 – 1993) (Sprintáætlunin) ⁽⁴⁾.

Dómnefnd óháðra sérfræðinga hefur framkvæmt mat, samkvæmt 8. gr. þeirrar ákvörðunar, á þeim árangri sem hefur náðst að liðnum 30 mánuðum frá framkvæmd áætlunarinnar. Framkvæmdastjórnin hefur lagt matsskýrslu, ásamt athugasemdum, fyrir Evrópuþingið, ráðið og efnahags- og félagsmálanefndina.

Í skýrslunni er lýst samþykki við markmið og megineinkenni áætlunarinnar, lagt til að aukið verði við hana og sett fram tilmæli um í hvaða stefnu skuli beina tilteknum ráðstöfunum.

Halda þarf áfram aðgerðum sem hafa verið hafnar innan ramma Sprintáætlunarinnar, en áhrif þeirra koma einungis fram á löngum eða tiltölulega löngum tíma, og styrkja þær með það fyrir augum að styðja við aðgerðir sem koma af

stað nýjum hagvexti, tryggja sambengi við önnur stjórnþæki bandalagsins til að stuðla að útbreiðslu nýjunga og tækni og ryðja brautina fyrir samruna Sprintáætlunarinnar við fjórðu rammaáætlunina um rannsóknir og tækniþróun.

Þessar aðgerðir eru framkvæmdar með aðstoð innlendra og svæðisbundinna stofnana og er stjórnnum dreift eftir því sem unnt er. Tilgangurinn með þeim er aðallega sá að byggja upp millilandanet milli atvinnugreina eða svæða, gera grein fyrir „bestu aðferð“ og stuðla að útbreiðslu hennar yfir landamæri, samræma aðgerðir á vettvangi bandalagsins til að draga úr kostnaði og áhættu við tilraunir á nýjum kerfum. Þær eru því viðbót og stuðningur við aðgerðir sem unnið er að í einstökum löndum eða á einstökum svæðum og eru því í góðu samræmi við grundvallarregluna um dreifiræði.

Því er æskilegt að framlengja áætlunina til 31. desember 1994 og breyta ákvörðun 89/286/EBE til samræmis.

SAMÞYKKT ÁKVÖRÐUN ÞESSA:

I. gr.

Ákvörðun ráðsins 89/286/EBE er breytt sem hér segir:

1. Í stað fyrirsagnar ákvörðunarinnar komi eftirfarandi: „um framkvæmd meginhluta lykiláætlunar um nýjungar og miðlun tækni á vettvangi bandalagsins (1989 – 1994) (Sprintáætlunin)“.

2. Í stað 1. gr. komi eftirfarandi:

„I. gr.“

Meginhluti lykiláætlunar til eflingar nýjungum og miðlun tækni, hér á eftir nefnd „Sprintáætlunin“, er hér með samþykkt til sex ára frá 1. janúar 1989 að telja.“

⁽¹⁾ Stjtið. EB nr. C 200, 24. 7. 1993, bls. 7.

⁽²⁾ Stjtið. EB nr. C 329, 6. 12. 1993.

⁽³⁾ Álitum var skilað 24. nóvember 1993 (hefur enn ekki verið birt í *Stjórnartíðindum Evrópubandalagsins*).

⁽⁴⁾ Stjtið. EB nr. L 112, 25. 4. 1989, bls. 12.

3. Í stað 4. gr. komi eftirfarandi:

2. gr.

„4. gr.

Það fé sem talið er nauðsynlegt til að framkvæma áætlunina er 109 milljón ECU.

Ákvörðun þessari er beint til aðildarríkjanna.

Gjört í Lúxemborg 20. desember 1993.

Í II. viðauka er gefinn upp viðmiðunarkostnaður fyrir einstaka liði þeirra aðgerða sem um getur í 3. gr.“

Fyrir hönd ráðsins,

W. CLAES

forseti.

4. Í stað I. og II. viðauka komi viðaukar við þessa ákvörðun.

VIÐAUKI

„I. VIÐAUKI

HELSTU AÐGERÐASVIÐ

(Sprintáætlunin 1989 til 1994)

A. Efling evrópsks þjónustuskipulags á sviði nýjunga með uppsetningu neta innan bandalagsins sem krafist er að geti staðið undir sér fjárhagslega til langs tíma.

Þetta felur einkum í sér:

1. Eflingu sameiginlegra neta innan bandalagsins fyrir nýjungar:

- a) sameiningu og þróun þeirra neta sem fyrir eru, einkum að því er varðar:
 - ráðgjöf á sviði stjórnunar tækni og nýjunga,
 - sameiginlegar rannsóknarstöðvar fyrir hvert svið,
 - fjármögnunarstofnanir fyrir nýjungar;
- b) myndun nýrra neta, einkum milli:
 - samnings-rannsóknarstofnana,
 - tæknilegra ráðgjafa,
 - sérfræðinga í gæðastjórnun og virðisgreiningu o.s.frv.;
- c) eflingu samvinnu í bandalaginu milli:
 - skilflata rannsókna/iðnaðar og háskóla/iðnaðar,
 - tækni- og vísindastöðva;
- d) kynningu á tengibúnaði milli hinna ýmsu neta með það fyrir augum að stuðla að nýjungum og miðlun tækni.

2. Stuðningsaðgerðir við netþjónustu:

- a) aðgerðir sem tengjast upplýsingum, skilningi, kynningu og miðlun þekkingar um stjórnun nýjunga og viðlíka ráðstafanir:
 - skipti á reynslu milli aðildarríkja og yfir landamæri, milli svæða hinna ýmsu aðildarríkja, einkum með stuðningi við rannsóknir, námsstefnur fyrir sérfræðinga og myndun neta milli sérfræðinga í viðkomandi stjórnunargreinum (gæðastjórnun, virðisgreining, markaðssetning, o.s.frv.),
 - útbreiðsla þessarar stjórnunartækni með viðeigandi kynningarstarfsemi (ráðstefnur, sýningar, evrópsk verðlaun, „frásagnir af velgengni“ o.s.frv.),
 - aðgerðir sem tengjast upplýsingum, skilningi og miðlun þekkingar, sem eru sniðnar fyrir eða miða að millilandasamstarfi og beinast að þeim aðilum sem starfa að útbreiðslu og miðlun tækni og að stjórnun nýjunga — þessar aðgerðir ber að þróa í nánnum tengslum við *Comett*-áætlunina;
- b) sérstök stjórn tæki til að auka virkni neta, einkum:
 - að koma á sambandi milli væntanlegra notenda neta (til dæmis með heimsóknum, kynningarnámsstefnum, með því að skiptast á sérfræðiþekkingu o.s.frv.),
 - að skiptast á tæknilegri aðstöðu, einkum með ráðstöfunum sem beinast að því að:
 - auka áhrif milli landa af tæknisýningum og kaupstefnum (samvinna milli skipuleggjenda á mismunandi svæðum, heimsóknir framleiðenda frá öðrum svæðum o.s.frv.),
 - þróa aðferðir til að miðla þessum tæknimöguleikum og viðeigandi notkun þeirra (vörulistar, sýningar, námsstyrkir, gagnabankar, ráðstefnur og námsstefnur, ráðstefnur á myndböndum o.s.frv.),
 - finna „bestu aðferð“ við tæknimiðlun,
 - gera sérstakar ráðstafanir til að tryggja að þau svæði bandalagsins þar sem þjónustuskipulag í nýjungum er miður þróað geti notfært sér í ríkari mæli hin ýmsu net innan bandalagsins,
- c) koma á framfæri nýjungum sem koma fram á netum með því að auka samskipti milli fjármögnunarsjóða, sérfræðinga í tæknimálum og þeirra sem koma fram með nýjungar á netinu (til dæmis með gagnabanka yfir verkefni eða vettvangi fyrir fjárfestingar og verðbréfasölu innan bandalagsins).

B. Stuðningur við sérstök verkefni fyrir miðlun nýjunga innan bandalagsins, einkum:

- stuðningur við sérstök verkefni milli landa þar sem lögð er áhersla á samvinnu í iðnaði, einkum að því er varðar beitingu alhliða tækni í atvinnugreinum innan bandalagsins á svæðum þar sem þróun er hæð eða samdráttur í iðnaði,
- hliðarráðstafanir til aukins skilnings á þessari tækni og þjálfun fyrirtækja í að tileinka sér hana, með áherslu á samskipti milli landa (t.d. heimsóknir í fyrirtæki, sýningar, kynningarnámsstefnur, útgáfa bæklinga eða myndbandaefnis o.s.frv.),
- tæknilegur stuðningur við fyrirtæki, aðallega lítíl og meðalstór fyrirtæki sem hafa getu til að nota þessa tækni, einkum með því að koma upp sérhæfðum tæknimiðlunarnetum og miðstöðvum fyrir háþróaða tækni,
- stuðningur við skilvirka framkvæmd áætlana, einkum með því að nýta til fulls það fjármagn sem fæst frá opinberum aðilum og einkaaðilum.

Hægt er að beita tveimur samhliða aðferðum:

- önnur miðar að því að kortleggja tækni sem þegar er fyrir hendi ásamt því kostnaðar- og nytjahlutfalli sem við á með víðtæka notkun í huga hjá fyrirtækjum á svæðum þar sem þróun er hæð eða samdráttur í iðnaði og er því sniðin að því að ýta undir notkun þessarar tækni í þeim atvinnugreinum er um ræðir,
- hin grundvallast á því að finna sameiginlega þörf hjá hópi fyrirtækja í tiltekinni atvinnugrein eða á tilteknu svæði þar sem fyrirtækin eru fús til að fjármagna lausn vandans. Þetta ýtir undir að tækni sem er til fyrir sé kortlögð, eða hugsanlega aðlöguð, til að ráða bóta á þeim vanda sem við er að etja.

Fyrirhuguð verkefni eiga að virka sem hvatar í þróun atvinnugreinarinnar og notkun tækninnar sem um er að ræða. Þau verða einnig að uppfylla, að hluta til eða að öllu leyti, eftirfarandi skilyrði:

- að vera dæmi um notkun „kerfisbundinnar“ altæktrar aðferðar við að koma á tæknibreytingum, ekki aðeins í beinum tæknilegum skilningi heldur einnig að því er varðar svið eins og skipulagningu fyrirtækja, þjálfun og virkjun starfsfólks og notkun stjórnunaraðferða á borð við virðisgreiningu eða iðnaðarhönnun og einnig markaðsrannsóknir,
- að veita möguleika á ákjósanlegri samsetningu af færni með ýmiss konar samvinnu milli margra aðildarríkja eða milli svæða mismunandi aðildarríkja innan bandalagsins og, eftir því sem unnt er, milli samstarfsaðila sem hafa á að skipa mismunandi sérfræðilegri færni,
- að velja atvinnugreinar eða tækni sem er líkleg til að hafa áþreifanleg efnahagsleg áhrif,
- að gera öflugt átak til að draga úr svæðisbundnum mun hvað varðar framboð og aðgang að tækni.
- að byggjast, eftir því sem unnt er, á því stjórnskipulagi sem fyrir er og auka notagildi þess,
- að hafa innbyggð eftirlits- og matsákvæði sem auðvelt er að endurskoða og byggjast einkum á settum markmiðum um magn,
- að tryggja að hliðsjón sé höfð af fenginni reynslu, helst beint í gegnum þau fyrirtæki sem taka þátt í verkefninu til að margföldunaráhrifin verði sem mest.

C. Bætt skilyrði fyrir nýjungar með auknum skilningi á því ferli sem á sér stað og auknu samráði milli aðildarríkjanna og framkvæmdastjórnarinnar

1. eftirlit með nýjungum í Evrópu (evrópskt eftirlitskerfi með nýjungum) og mat á stuðningsráðstöfunum;
2. aukið samráð og reynsluskripti milli aðildarríkjanna og framkvæmdastjórnarinnar að því er varðar stefnumörkun í miðlun nýjunga og tækni, einkum með það fyrir augum að skapa hagstæð stjórnunar-, laga- efnahags- og fjármálaeg skilyrði fyrir nýjungar og miðlun tækni.

II. VIÐAUKI

VIÐMIÐUNARSUNDURLIÐUN Á FJÁRVEITINGUM

Sprintáætlunin 1989 til 1993

	<i>milljón ECU</i>
A. Stjórnskipulag evrópskrar þjónustu á sviði nýjunga	
1. Efling netþjónustu	41,5
a) ráðgjafarnet fyrir nýjungar og miðlun tækni	
b) net sameiginlegra rannsóknarstöðva atvinnugreina	
c) ný net (samnings-rannsóknarstofnanir/rannsóknir eða háskóla-iðnaðar skilfletir/verkfræðivinna ráðgjafar/tæknistöðvar/ fjármögnunaraðilar o.s.frv.)	
d) samtenging neta til að miðla nýjungum og tækni	
2. Samhliða ráðstafanir:	20
a) þjálfun milli landa í stjórnun nýjunga, sérfræðinganeta (hönnun, gæðastjórnun, virðisgreining, markaðssetning nýrra vara o.s.frv.) og tengdar kynningaráðgerðir (ráðstefnur, evrópsk verðlaun, útgáfa, sýningar)	
b) stjórnþæki til stuðnings netþjónustu (tækni kaupstefnur, leiðir til að skiptast á aðstöðu o.s.frv.)	
c) kynning á nýjungum sem koma fram á netum (vettvangur fyrir fjárfestingar og verðbréfasölu)	
B. Sérstök verkefni fyrir miðlun nýjunga innan bandalagsins	34
C. Eftirlit með nýjungum og samráð milli aðildarríkjanna og framkvæmdastjórnarinnar	13,5
1. <i>Evrópskt eftirlitskerfi með nýjungum</i>	
2. <i>Samráð og reynsluskipti</i>	
SAMTALS	109**